


欽定戶部則例

第 兩

74
6643
3



欽定戶部則例卷三

戶口三

民數

丁額

保甲

民壯

海島居民

民人繼嗣

民人奴僕



身合七手交刊

欽定戶部則例卷三

戶口

目錄

<99-1200>

人戶籍貫

豁除賤籍

欽定戶部則例卷三

戶口三

民數

一 直省民數令督撫統飭所屬各州縣查具實在民數於每歲十月內同數數一併造冊咨部彙題若造報不實予以議處凡州縣造報每歲民數令各按現行保甲門牌底冊核計彙總無庸挨戶細查花名若藉端滋擾或科派者參究若奏報逾限者即行查參至從前

五年一次編審增益人丁造冊奏報之處永
行停止 運快軍丁編審
例別詳漕運門

丁額

一直省人丁欽遵康熙五十二年

恩詔以康熙五十年丁冊錢糧之數定為常額續生人

丁永不加賦

人丁額數以停止
編審之年為斷

一奉天省八萬二千一百五十四丁

直隸省三百二十八萬八千四百二十四丁

一山東省二百三十萬四千六百一十九丁

一山西省一百五十五萬七千七百九十八丁

一河南省二百萬五千八十八丁

一江蘇省二百六十九萬七千七百五十二丁

一安徽省一百三十五萬七千八百二十九丁

一江西省一百二十四萬九千五百四十二丁

一浙江省二百七十一萬三千五百五十四丁

一福建省一百四十六萬八千三百七十九丁

一湖北省四十五萬三千六百三十七丁

一湖南省三十三萬六千三百三十丁

一陝西省二百二十五萬三千七百二十丁

一甘肅省四十一萬六千二百三十三丁

一四川省九十一萬四千六百二十五丁

一廣東省六十四萬二千五百九十七丁

一廣西省二十一萬六千六百六十九丁

一雲南省一十八萬三千五百一十七丁

一貴州省三萬七千七百三十二丁

均照大清會典開載每年滋生不一其細數仍見各該省各年奏報民數

以上各省人丁各數

保甲

咸豐二年奉

上諭御史范承典奏請嚴查京師保甲以弭盜賊一摺
 前因園汛地方有一夜連劫重案當經降旨將該管
 營汛等官摘去頂戴嚴加議處京師園汛重地理應
 肅清該員弁等如果認真巡緝何致匪徒糾夥連劫
 拒捕傷人且當朕還宮已傳三籌之後街道官兵星
 羅碁布竟至任賊遠颺殊出情理之外著步軍統領
 衙門順天府五城一體迅速嚴拏務獲盡法懲辦毋

同治十三年校刊

戶部則例卷三

戶口

四

使一名漏網仍將現管理地面應如何稽察巡緝分別勸懲之處會同妥議章程詳細具奏至畿南各省近日連劫拒捕之案層見疊出地方官以緝捕爲具文該督撫亦僅以一參了事所謂聯莊會哨其效安在耶編查保甲實爲弭盜良法上年曾經通諭各省一律奉行著各該督撫嚴飭所屬平時於賊匪往來及窩藏處所務當實力訪拏一遇搶劫重案迅速掩捕毋得藉詞報勘遷延時日致賊遠逸經此諄諭之後若再視爲具文緝捕不力惟該地方大吏是問懷之將此通諭知之欽此

一京城內外分別旗民一體編查保甲其王公滿漢文武大臣官員第宅各令自行查察如給使人役內有來歷不明形跡可疑者立即送究

一京城內外編查保甲分別造冊居民舖戶造立循環簿按年更換客店車行庵觀寺院設立清冊兩月更換一次園館居樓優伶寓所另立專冊一月更換一次五城御史督率所

屬分款實力稽查

一王貝勒貝子公閒散宗室屬下屯居包衣人
丁均令州縣編入保甲就近管束其八旗宗
室覺羅等在京外附近居住者該州縣官一
體編查如有違犯詳明上司官移咨在京該

管衙門查辦

一順天府五城所屬村莊暨直省各州縣城市
鄉村每戶由該管地方官歲給門牌書家長
姓名生業附註男丁名數不及婦女出註所往入

稽所來有不遵照編掛者治罪十戶為牌

散處通融編列立牌長十牌為甲立甲長十甲為保

立保長限年更代以均勞逸士民公舉誠實
識字及有身家之人報官點充地方官不得
派辦別差以專責成凡甲內有盜竊邪教賭
博賭具窩逃奸拐私鑄私銷私鹽躑躅販賣
硝磺并私立名色歛錢聚會等事及面生可
疑形迹詭秘之徒責令專司查報戶口遷移
登記並責隨時報明於門牌內改填換給門

一凡紳衿之家與齊民一體編列聽保甲長稽
查違者照脫戶律治罪地方官徇庇照本例
議處凡僉充保甲長並輪值支更看柵等役
紳衿免充齊民內老疾寡婦之子孫未成丁
者亦俱免派兵丁書役與民戶同編本身免
充保甲長

一凡聚族而居丁口衆多者准擇族中有品望
者一人立爲族正該族良莠責令察舉
一旗民雜處村莊一體編次將旗分戶名并所
隸領催屯目註明牌冊旗人有犯許民人舉

首民人有犯許旗人舉首地方官會同理事
同知辦理至各省駐防營內居住之商民以
及官兵雇用之人役均另編牌冊兼由理事
同知查核

一屯居漢軍旗人戶婚田土事件俱歸所隸州
縣管理一體編查保甲其丁憂起復報考以
及查報家口檔冊除先行報旗查辦外仍報
明地方官由地方官呈報各旗核對不得稍
有遺漏

一凡客民在地方開張貿易或置有產業者與
土著一例順編其往來無定商賈責令客長
查察凡客商投宿旅店船埠寺廟該店主埠
頭任持詢明來歷並將騎馱夥件數目及去
來日期逐一填註送官若無事時疎忽有事
時故縱者各治以罪

一各直省州縣編審保甲每年造具各鄉甲長
保正及各戶姓名每戶若干口清冊呈送臬
司稽核如有外來雇工夥計雜項人等亦將

戶部具條卷三
姓名籍貫於本戶下註明仍由臬司移行道府抽查年終覆核具奏倘造冊疎漏該臬司稟請督撫指名叅處

一各省編查保甲如有來歷不明形跡可疑者責令里長甲長等立時首報如無均令出具連名互保甘結倘取保之人曾經作奸犯科一經查出將出結之里長等按律連坐

一寺觀僧道責令僧綱道紀按季冊報凡有遊方僧道形跡可疑及爲匪不法者稟官查逐

若混留滋事住持治罪僧道官革究其各省同民責令禮拜寺掌教稽查約束有出外爲匪者將掌教之人一併治罪

一外來流丐保正督率丐頭稽察少壯者詢明籍貫稟官遞回原籍安插其餘歸入棲流等所管束不許散處滋事

一吉林伊通河屯戶民男女大小名口按戶開列於牌懸之門內每年應增應減責令鄉地牌頭報明同知更換該界巡檢編造丁冊屆

戶口具例卷三
時稽察該同知隨時抽查如有詭冒情弊將該戶民分別辦理鄉地牌頭一併懲治於年底歸人民數案內報核

一 邊外蒙古地方種地民人設立牌頭總甲及十家長等凡係竊匪及來歷不明者責令查報通同狗隱一併治罪有隱匿內地逃人者并責令扎薩克查拏

一 沿海等省商漁船隻取具澳甲族隣保結報官准造完口由官驗明給照將十船編爲一

甲係商船於照內註明船主姓名年貌籍貫兼註舵工水手仍於出洋時取具各船互結由汛口驗照放行係漁船將船甲字號於大小桅篷及船旁大書深刻照內止填船主年貌籍貫其舵工水手名數由汛口官隨時查註放行凡地方官濫給匪人執照或照內查填不實者分別叅處船主租船出洋爲匪者船主澳甲分別治罪船主實有事故別令親屬押駕赴官呈明者填入照內放行未呈明

者卽以頂冒論內洋採捕小艇亦照例取結
編號給照責令澳甲稽查其內河一切船隻
均各設牌船尾註明船戶籍貫年貌責令埠
頭查察若漁船網戶及水次搭棚趁食之人
均歸就近保甲管束

一各省山居棚民按戶編冊責成地主并保長
結報廣東省寮民每寮給牌互相保結責令
寮長鈴束倘窩藏奸宄容隱不報查出治罪
其業主招佃及寮丁墾種官山俱赴官報明
察驗准其搭寮耕種違者招佃之山主照違
令律治罪墾種寮丁照盜耕田畝律治罪文
武員弁不經心約束以致窩匪者均查參究
處

一鹽場井竈另編排甲所雇工人隨竈戶填註
卽令約束責成場員督查如容留匪類竈戶
照牌頭例治罪場員參處

一礦廠丁戶責成廠員督率廠商課長及峒長
爐頭等編查各處煤窰責令雇主將傭工人

等冊報地方官查核如有藏匿奸匪均分別查叅究處

一外省入川民人同土著一例編查係依親佃種者卽附田主戶內倘有不安本分及來歷不明者報官究治

甘肅省番地戶民責成土司查察係地方官管轄者令該管頭目編查地方官給牌另冊造報其四川省改土歸流各番寨責成鄉約教化甲長稽查仍均聽撫夷掌堡管束

一粵東福建浙江等省沿海地方除地處外洋離汛較遠各海島不准民人居住外其附近礮臺塘汛搭蓋寮房久經居住民人令文武員弁實力稽查照內地民人之例就近編排保甲分給門牌開載戶口年歲設立牌頭甲長澳保俾資約束并申敘條款出示曉諭如有窩藏盜匪等事一經查出卽將該犯所住寮房燒燬並令自乾隆五十五年奏准清查後毋許再有無籍可稽之貧民續行佔住統由該管營

縣按月親赴查點年底道府通報凡例應封
禁以及向無寮房各海島專責營員隨時查
勘仍於年終將有無續佔彙摺具奏如有虛
應故事捏飾容隱嚴叅究處至漁戶出洋採
捕暫在海島搭寮棲止者仍聽

一廣東客籍民人與土著一律編甲仍分晰登
註令州縣官慎選約正約副嚴其責成如有
通盜爲盜之人許約正等指名舉首由該管
道府審實解省辦理並令該道府隨時稽察

倘約正約副有知情故縱及妄拏無辜嚇詐
鄉愚情事卽加倍治罪

一廣東沿海村莊建立望樓勸諭殷實之戶捐
建責令公正衿耆派撥壯丁輪流瞭望其公
正衿耆令民間自行保舉稟官登記名冊以
備稽查如有拏獲匪徒解官審辦毋得私自
擅殺倘以防奸爲名構釁致釀事端將民人
從重治罪衿耆一併懲處

一廣東沿海村莊自出壯丁守衛身家如能拏

獲真盜審無挾嫌誣害情事量加獎賞於關稅鹽課贏餘項下動支報部核銷

一廣東省蠶戶凡係力能建屋及搭棚棲身者聽其近水村莊居住與齊民一體編查勢豪土棍不得欺凌驅逐

一雲南省夷人與民人錯處者一體編入保甲其倚山傍水自成村落及懸崖密箐內搭寮居處者責令管事頭目造冊稽查如有窩匿漢奸即時稟報扶同狗隱查出究革

一雲南省永昌之潞江順甯之緬甯一處居住近邊之人照內地保甲之例編造寄籍登造年貌互相保結並嚴禁與蠻夷結親如有進關回籍用互結報明官給印票關口驗明放行同時仍驗明放出若無印票概不准放行如各員弁混放偷漏查明叅處至沿邊各處如永昌騰越順甯緬甯南甸龍陵一帶本籍民人保甲亦一體稽核毋許混匿江楚客民有則從嚴懲治

一黔省各府廳州縣所管地方寨落內如係盡屬苗人者遵照乾隆四十一年

上諭停止編查保甲令該管土弁嚴行管束稽查毋許

容留匪類將隨時查察緣由按月具報查考

如盡係漢民仍一體編查

一黔省漢苗雜處村寨如漢民多於苗人卽由地方官歸於漢民冊內查辦如苗人多於漢民卽由土弁歸於苗人數內查報

一苗徭寄籍內地久經編入民甲者照民人一

例編查其餘各處苗徭責令千百戶及頭人

峒長等稽查約束儻有生事犯法不行舉報

分別定罪

一直隸省天津甯河臨榆樂亭四縣沿海口港

責成天津鎮嚴飭駐劄之都司守備等實力

巡防按月查報其各本地商捕船隻水手實

係土著由地方官取具船戶連環保結方准

充當有犯連船戶並究如有私藏貨物夾帶

人口送縣究辦其各處魚船取具地鄰保結

由縣發給腰牌以憑出入查驗如有更替隨時報明換給新牌每年編查一次其近海村莊無論戶口多寡俱飭各該州縣實力編查以絕奸匪

一江蘇沿海村莊以十家爲甲立甲長一人十甲爲總立甲總一人不及十甲按三五甲爲一總不及十家及零星散處卽於一處各立一長互相稽訪如有濟匪消贓窩藏勾引代雇水手等事報官拿究從優獎賞儻知情容隱一體治罪地方官奉行不力卽行嚴參

一湖北崇陽縣分作一百三十二保紳耆公舉老實烟民一百三十二名點充保正劃清地界分段稽查崇陽通城交界處所應令二縣不時約會親往稽查并訪查保正勤惰分別勸懲

民壯

一直省州縣額設經備民壯防衛倉庫協緝盜

賊按地方大小召募三五十名不等

工食銀數詳載

賦役全書地方官揀選民間壯丁分派學習烏槍

弓箭等器選尤壯者點充頭目不時操練每

年冊報督捕廳員轉報按察司該督撫責成

廳員按冊調驗仍於公便親閱州縣奉行不

力從重叅處

一湖北崇陽縣添設民壯五十名半習烏槍半

習矛刀與營兵隨時操演應添工食由外捐給

海島居民

一山東省海島居民不准增添居屋令沿海各州縣并守口員弁實力巡察以靖海疆每年將實在戶口造冊報部查核

一浙江省海島居民不准增添居屋一律編甲稽查并責成該管巡道嚴密查察毋使稍有容留每年將實在戶口造冊報部查核

一山東蓬萊縣長山島居民二百二十戶男女大小五千四百七十七

口廟島居民一百八十五戶砣磯島居民一百八十五

五戶男女大小一	大欽島	居民九十二戶男
千一百三十口	女大小七百九十	
八口	小欽島	居民三十八戶男
口	女大小八十七口	北隍城島
四戶男女大小	小黑山島	居民四十四戶男
二百二十三口	女大小三百七十	
七口	大黑山島	居民二百五十三戶男
口	女大小二千一十一口	大竹山
島	居民五戶男女	黃縣桑島
大小十五口	居民一百四十	
八百四	吧岬島	居民三十二戶男女
十九口	大小一百八十五口	福山縣
芝罘島	居民九十五戶男女	寧海州養馬島
大小三百八十四口	居民一百一十二	
居民三百七十七戶男女	大嶗峒島	戶男女大小
小二千一百四十二口	居民五十二戶男女	榮
六十	文登縣劉公島	大小四百三十六口
三口	居民五十二戶男女	

城縣石島	居民一百二十一戶男	砬磯島	居民
三十六戶男女	大褚島	居民一十二戶男	青
小一百六十五口	女大小八十九口		
魚灘島	居民二十五戶男女	倭島	居民一十
大小一百四十三口	九戶男女		
大小一百	俚島	居民三十八戶男女	雞鳴島
二十二口	大小一百七十三口		
居民一十七口	海陽縣馬官島	居民二十一	
大小十七口	戶男女大小		
一百十	棉花島	居民二十五戶男女	小青島
七口	大小一百五十六口		
居民五十五口	黃島	居民八戶男女	掖縣三
大小十五口	大小二十三口		
山島	居民四十八戶男女	膠州黃島	居民九
大小三百七十一口			
男女大小五	竹岔島	居民一十戶男	靈山島
百五十八口	女大小一百口		

居民一百十六戶男女
 大小七百四十七口 卽墨縣陰島 居民八百三十九戶男女大小四十七口
 九戶男女大小四 栲栳島 居民一百二十七戶男女大小六十口
 千二百三十口
 八十 諸城縣齋堂島 居民八戶男女大小三十二口

一 浙江鎮海縣并提標左營所轄岐頭山 居民四百

一十六戶男女大小 上下梅山 居民四百四十八戶男女

大小二千一 象山縣并昌石營所轄老東門 居民一百七十三戶男女大小八百四十九口

居民一百七十三戶男女 南匯山 居民三十五戶男女大小八百四十二口

一百四 銅錢礁 居民十一戶男女大小八十一口 半邊山 居民

十戶男女大小 龍洞口 居民七戶男女大小二十三口 金沙

居民二十七戶男女 沙塘灣隘口 居民三十三戶男女大小一百三十七口

小一百二 鵝鵠嘴 居民十二戶男女大小五十一口 獺鰻嘴 居民

二十戶男女大小 朝天門 居民三十五戶男女大小九十七口

雷公山 居民四十五戶男女大小二百五十四口 定海縣并定海

鎮標中左右三營所轄白馬礁 居民五十六戶男女大小

九十六 橫山 居民一千五百九十四戶男女大小四口

岐山 居民二百五十六戶男女大小三千三百三十三口 大渠山 居民十

大小四 摘箬山 居民九戶男女大小四十五口 小渠山 居民十八

戶男女大小 小盤嶼 居民十六戶男女大小三十五口 烏龜

山 居民五戶男女插排 居民二十四戶男
大小二十八口 女大小五十一口 糊

泥 居民四十二戶男桃花山 居民四百九十
女大小七十二口 一戶男女大小

二千九百登步山 居民三百八十六戶男
大小九百口 女大小四百六十六口 長

塗山 居民二百三十二戶男秀山 居民四百
女大小九百六十四口 十三戶男

百四十一口嵩山 居民十八戶男女長嶼
大小一百一十口 女大小一百一十口

口普佗山 僧俗大小三順母塗 居民七十六
居民三十一戶男女 女大小一百一十口

一百六十石牛港 居民六十三戶男女
大小一百一十口 女大小一百一十口

居民三十八戶男馬蟻山 居民十二戶男
大小九十五口 女大小九十五口

雞冠礁 居民十三戶男女馬鞍山 居民十一
大小三十三口 戶男女大

小四十盧家嶼 居民二十一戶男梁橫 居民
二口 女大小五十三口 六戶

男女大小金塘山 居民二千九百十五戶男
十九口 女大小一萬五千三百四

十一冊子山 居民二百七十一戶男女大榭
口 大小一千四百九十九口

山 居民一千四百七十四戶男岱山 居民二
女大小八千六百八十三口 千六百

六十一戶男女大小長白山 居民二百六十八
一萬四千九百三十三口 男女大小一

二口大盤嶼 居民十四戶男女大貓山 居民
二口 大小五十七口 八

九戶男女大蟹嶼 居民二十九戶男女馬目
小四百一十口 大小一百一十四口

山 居民三十三戶男女茨山 居民十二戶男女
大小六十四口 大小三十二口

同治十三年校刊

戶口冊例卷三

戶口

三

外鈞 居民九戶男女 裡鈞 居民十三戶男女 大小二十二口 大小三十八口

臨海縣并黃巖鎮標中左二營所轄紀青山

居民二十二戶男 浮嶼山 居民六十八戶男 女大小八十九口 女大小二百八十

六川礁 居民二十二戶男 圭山 居民三十一 口大小八十二口 戶男三十一

名米篩門 居民十三戶男女 魚西 居民十七 大小九十三口 戶男女大

小七十 戎岫 居民十戶男女 大株山 居民三 七口大小六十一口 戶男女

大小十 白巖前 居民九十一戶男女 節籃頭 二口大小一百一十口 戶男女

居民十二戶男女 甯海縣并甯海左右二營 大小四十七口 甯海縣并甯海左右二營

所轄蛇盤山 居民四十九戶男 平風頭山 居 大小二百九十九口 戶男

六戶男女大 東白茭山 居民十四戶男女 西 小二十九口 大小六十五口 戶男女

白茭山 居民十一戶男女 茅嶼山 居民二戶 大小五十四口 戶男女大小

十七 深灣山 居民十九戶男女 太平縣并黃 口大小六十三口 戶男女

巖鎮標中右二營所轄泊柯山 居民三十二 戶男女大小

一百三 上大陳山 居民一百六十三 十口 戶男三百三十名 椰機山

居民二百二十三戶男 南港山 居民二十二 女大小九百六十一口 戶男女大小

八十 北港山 居民十九戶男 蒼山 居民七十 一口大小六十口 戶男女

大小二百 鳳尾山 居民一百五十戶 永嘉縣 十二口 男二百五十一名 戶男女

并温標中左二營所轄霓岫 居民一百八十 三戶男女大小

司台三三三

戶口

三

七百四十一口 白腦門 居民七十八戶男女 大小二百九十九口 大瞿山

居民四十六戶 樂清縣并溫標中營所轄大男四十六名

門山小門山二處 居民五十九戶男女 大小二百八十二口 匡

居民二十五戶男女 山平 居民六十七戶男女 大小二百四十八口

鹿西 居民五十七戶男女 鯧魚峽 居民三十 大小二百十六口

大小八東白 居民一百十六戶男女 札不斷 大小三百五十一口

居民十六戶男女 平陽縣并瑞安營所轄一 大小六十六口

處 居民一百六十五戶男女 玉環廳并温州鎮 大小三百二十五口

標中營玉環右營黃巖鎮標中左二營所轄

二盤峽 居民九十四戶男女 洞頭峽 居民五百

七戶男女 大小三 狀元峽 居民四十五戶男女 大小七百七十五口

黃大峽 居民二百九十六戶男女 雞冠山 大小七百七十五口

居民二百三十五口 洋嶼 居民五十二戶男女 大小七百七十五口

茅峴山 居民一百二十一戶男女 橫床山 居民 大小四百六十二口

三十七戶男女 大青山小青山二處 居民 大小一百九十一口

五戶男女 大小 臺山 居民三十戶男女 南排 大小一百二十口

山 居民十三戶男女 崗巖山 居民十戶男女 大小四十二口

小烏山 居民四戶男女 方家嶼 居民九戶男女 大小十四口

口	蝦蟆礁	居民七戶男女	石塘岫	居民一千
六戶	男女大小七	橫門山	居民二十二戶男	
千一百九十一口		女大小九十一口		
狗洞門	居民三十三戶男女	裡港山	居民十五戶男	
大小九	沙鑊山	居民二十戶男女大	楊柳	
十一口	小一百六十九口	白巖山	居民二十五戶	
坑	居民十七戶男女	烏巖嘴	居民	
一百六十七口				
四十	石板殿	居民四十四戶男女大		
三口	小一百五十四口			
九戶	男女大小	小蛤蜊	居民三戶男女	
小六十八口				

民人繼嗣

一民人無子許立同宗昭穆相當之姪為嗣先
儘同父周親次及五服之內如俱無方准擇
立遠房若繼子不得於所後之親聽其告官
別立其或擇立賢能及所親愛者於昭穆倫
序不失不許宗族指以次序告爭凡繼立不
以同姓乾隆三十九年戶部郎中楊嗣曾因伊父初繼徐姓為嗣徐姓現無疎屬可繼呈請仍從伊父嗣續徐姓戶部據呈具奏
無嫡派近支亦無產業及尊卑失序者
特恩准其改嗣徐姓在案

貪圖財產將獨子出繼與人者獨子藉稱已

經出繼不顧本生者本生父母有子所後之

親無子而捨去者均照律治罪若所養父母

有子所生父母無子欲還者聽

婦佳繼獨子論

旨一道及分別為其子父立繼條均詳見八旗戶口類

一義男女婿為所後之親親愛者聽其相為依

倚酌給財產若招婿養老者仍立同宗應繼

一人承奉宗祀財產均分

一乞養異姓義子願歸宗者不許將所得財產

攜回本族其收養三歲以下遺棄小兒即從

其姓但不得以無子遂立為嗣仍酌分財產

不得勒令歸宗至抱養之子除初生拋棄者

不准捐考外如果在週歲以後非初生曖昧

不明准其應考報捐即用養父三代

民人奴僕

一民人契買奴僕呈明地方官鈐印契內有犯
 驗契究治凡漢人家奴若家生若印契買若
 雍正十三年以前白契所買以及投靠養育
 年久或婢女招配生子者俱照八旗之例子
 孫永遠服役

一滿洲蒙古家人賣與漢軍民人漢軍家人賣
 與民人者係官議處旗民分別鞭責所買之
 人及價銀俱入官漢軍民人買役喀爾喀厄

同治三年

戶部則例卷三

戶口

三

曾特之人係官議處旗民鞭責所買之人入
官奉天錦州二府民人子女賣與別省民人
及旗人者照民買旗人例科罪價銀入官沿
邊民人娶買乞養蒙古人口從重治罪凡違
例買賣人口該管及地方官失察均嚴加議
處

一凡紳衿庶民之家所買婢女不行婚配致令
孤寡者按律治罪

一奉差官員並督撫提鎮大小各官不許買所
屬良民爲奴及轉相餽送違者照畧買良民
例治罪

一典買奴僕若文契雖失尙受主家參養者仍
令服役卽已經贖身其本身及在主家所育
之子孫仍存主僕名分不准開豁爲良

一民人置買苗口赴地方官印契有帶回原籍
他處者報官給照填註男女姓名年貌關汛
驗實放行如地方官不行查明將苗民男婦
用印契賣與川販者查參議處無印契印照

而關汛賄縱出境者兵役計贓定罪該管員
弁分別察處

人戶籍貫

- 一凡軍民商竈諸色人戶並以原報冊籍爲定
- 若詐冒及官司變亂版籍者均依律治罪
- 一凡祖父母父母在子孫不准別立戶籍分異財產其父母許令分財異居者聽

豁除賤籍

一凡開豁為良之樂籍墮民丐戶及已經改業之蠶戶九姓漁戶人等耕讀工商聽其自便仍以報官改業之人為始下逮四世必其本族親支均係清白自守者方准應試報捐若豪棍藉端攻訐欺壓詭詐依律治罪

一安徽省徽州甯國池州三府凡世僕名分統以現在是否服役為斷其現在服役者如家主放出三代後方准捐考若年遠文契無可

考據並非現在服役參養者雖曾經棄田主
之山佃田主之田一體開豁為良

欽定戶部則例卷四

戶口四

官員任所入籍

外官攜帶家人

臺灣官帶家口

新疆官員家口

差員禁買人口

募雇在官夫役

入官人口作價

禁止堤外居民

安插流民章程

安插棚民章程

安插獠民章程

安插夷民章程

番界苗疆禁例

興除地方利弊

欽定戶部則例卷四

戶口四

官員任所入籍

一 罷職文員本身寄居別省者勒令回籍若本身既歿子孫有田土丁糧已入別省版圖者回籍附籍聽其自便

一 罷職武員原籍無可依歸及已經身故子孫欲於任所入籍者參將以下結報兵部聽兵部核准副將以上該督撫奏明請

旨定奪

外官攜帶家人

一外任官員漢督撫准帶家人五十名藩臬准帶四十名道府准帶三十名同知通判州縣准帶二十名州同縣丞以下官員准帶十名其所帶婦女亦不得過此數漢督撫有管兵之責如有多帶者令其自行題明至旗員有邊疆差遣之事非漢員可比督撫所帶家人不許過一百五十名司道以下等官所帶家人照漢員加一倍如違定數多帶者分別議

處

一調補臺灣武職所帶人役總兵副將三十名
參將遊擊都司二十名守備以下等官十名
旗員外任綠營武職准加一倍如違定數多
帶者照例議處

臺灣官帶家口

乾隆四十一年奉

上諭鐘音奏臺灣府諸羅縣知縣李倓現年五十五歲
尚無子嗣呈請攜眷赴臺查與定例相符應請准其
攜帶等語臺灣文職官員知縣以上年過四十無子
者方准挈眷前往此例未知始自何時殊可不必該
處雖遠隔重洋自設立府縣以來地方甯謐與閩省
內地無異且各員攜眷赴任不致內顧分心於辦公
亦甚有益方今中外一家更不必過存畛域之見卽

如伊犁等處距邊萬餘里其駐守之將軍等官俱准其攜帶家眷何獨於臺灣爲禁制乎王道本乎人情舊例尙未爲允協嗣後臺灣文武各官無論年歲若干有無子嗣如有願帶眷口者俱准其攜帶其不願帶者亦聽其便著爲令欽此

新疆官員家口

一回疆各大臣及章京筆帖式等官俱准攜帶家口各給與家口口糧車輛馬匹將軍家口三十口車七輛馬四十匹副都統家口二十口車六輛馬三十匹三品官家口十五口車五輛馬二十四匹四品以下官各按銜遞減支給凡各家口每日支米捌合叁勺本官及妻支粳米餘支粟米馬每匹每日支柒斤重空草壹束家口多者照定例給與少者照

實在之數支給
所需車輛由兵部查明
行文戶部折價給與

差員禁買人口

一各省遇有災祲地方貧民賣鬻子女者除本地民戶過社客商及並未馳驛官員各聽其便毋庸禁止外其由派委差使由驛行走官員俱應禁止不得私買民人子女並着各督撫將軍辦事大臣隨時查察如有違禁私買攜帶者卽行嚴察治罪

募雇在官夫役

一凡在

陵寢應役各夫及該處衙門隸役缺出應補均令移知

地方官募送充役不得私行收用其該處大

臣官員兵丁雇用人役開明姓名年貌住址

報明該管衙門行查原籍實係守分良民准

受雇赴役即由原籍地方官冊報總理衙門

及總兵官互相約束遇有事故隨時報明於

冊內開除倘私雇來歷不明及曾經過犯之

入係官議處兵丁責革

入官人口作價

一入官人口凡年在十歲以上至六十歲者每口作價銀壹拾兩六十一歲以上作價銀伍兩九歲以下幼丁每一歲作銀壹兩未週歲者免其作價

一凡查抄人口內查明如有隨主外任多年及意存狡詐希冀漏網之長隨均照家奴之例入官招買

禁止堤外居民

一 直隸江南河南等省堤外居民令地方官查

明乾隆五十實在村莊戶口房間數目造冊

備查毋許私自增添其有遷去人口卽於冊

內刪除各督撫於年終彙奏一次

安插流民章程

一軍流入犯之子孫係本籍所生隨往配所者
該地方官查明年歲填註文批遞交配所驗
明立案倘在籍並無親子或有繼嗣准將繼
子隨配若到配後復有親子即將所繼之子
查明原籍確有親屬可倚勒令歸宗如並無
親屬始准與到配所生之子一體入於軍籍
至本犯原籍子嗣或多不願俱赴配所其已
留本籍者不得復於配所入籍應試其已隨

配所入籍者不准復回原籍考試至隨配入籍之子孫統俟十年限滿後由配所督撫將入籍緣由報部查核如有捏混及跨考兩籍者本犯及子孫按律治罪州縣官照例議處一發往新疆人犯限內無過准入該處民籍就近安插係由死罪減等發往者限以五年係由軍流改發及原發種地者限以三年

一凡赴口外貿易商賈及探親民人如出山海關至奉天屬各處者令由原籍起關照一張

到關驗明留照放行出山海關至威遠堡法庫邊門外者令起關照二張一照存留山海關一照存留各邊門並起隨身護票一張至所往地方繳官備查不准冒濫入籍

一無業貧民到關概行攔阻不令出關并查明各流民原籍州縣官按出口民人多寡分別叅處如邊門官員容隱不報著該管大員查叅倘有偷越出口私墾情事經各處地方官查出者將守口員弁查明嚴叅

一歸化城大青山十五峪三百餘戶墾地民人
令歸化城都統派員會同地方官按年巡查
倘於現有民人外多容一人私墾地畝者將
容留及私墾之人遞回原籍治罪該處甲長
一併治罪驅逐

一奉天昌圖廳查出墾地流民三千九百餘戶
自嘉慶十四年正月爲始責成該廳通判巡檢分別立限
詳報如於原額外增添一戶卽行責懲遞籍
安插如原戶在原定蒙古地畝外多墾一畝

亦卽平毀并責懲示儆該地方官容隱不報
查出叅處仍令

盛京將軍按季派委委員查明有無增添具結送
部備查

一伯都訥地方納丁入冊流民令該管官嚴密
稽查如有不安本分恃強占地之徒卽行驅
逐出境至所墾地畝經嘉慶十五年查丈之
後不准再有墾占其從前入冊民人亦不准
復占新地

一伯都訥等處流民如有爭控地畝責成該管官秉公判斷理直者照常管業理曲者追地入官併治以應得之罪並查明安插之人內有復歸原籍遷徙地方將地畝私行典賣及恃有資本私買雇人耕種牟利者均追地入官至流民本戶無人田產概行撤出入官仍按地畝多寡酌撥實在貧乏旗人承種年終造冊報部查核

一伯都訥東南一帶山林採辦蜂蜜松塔處所新設封堆不許流民侵越開墾並添設卡倫每座派官一員兵十名稽查民人如有侵占地畝偷砍木植等事嚴拏究辦即將侵占墾熟之地賞給坐卡兵丁承種俾資貼補口糧隨時報部查核

一伯都訥等處不准流民入境責成管界官暨該管同知嚴密稽察並力行保甲之法其有鄉約賄縱情弊責革治罪如該界官不能實力稽查以致流民潛入界內入界後該廳員

漫無覺察一經查出將界官同知一併叅處
奏交吏兵二部從嚴定擬

一伯都訥嘉慶十六年查出流民九千五百四十八戶

均令入冊納丁責令吉林將軍督飭該管官
隨時嚴查保甲互相稽考各專責成如有內
地民人私行出口關門官吏容隱縱放卽據

實叅辦

一在京閒散滿洲移駐阿勒楚喀拉林二處習
勞務農如有將地畝招民代種及私典與民

管業者將民人治罪驅逐旗人嚴懲示儆

一吉林寧古塔伯都訥阿勒楚喀拉林等地方
不准無籍流民前往私墾責成關隘海口邊
門等官嚴行查禁若各該處於例前安插各
戶外嘉慶十五年以前復有流民踵至查明自何處
偷越將該管關隘海口及看守邊門各官嚴
叅議處

一吉林長春廳嘉慶五年以前查出流民二千三百三

十戶嘉慶十年又查出一千五百餘戶嘉慶十三年

又查出三千一十戶均入於該處民冊內所
墾地畝聽蒙古自行收租毋庸官爲經理嗣
後不得多墾一畝增居一戶如禁約不嚴復
有流民入境將該管之長春廳吉林將軍及
經由各邊門員弁

盛京管理六邊將軍大臣暨各流民原籍州縣官
一體嚴叅分別辦理

安插棚民章程

一 浙江省棚民

嘉慶二十
年奏准

核其租種已逾二十

年現有田產廬墓娶有妻室者即准令入籍
其年分未久業已置產締姻者俟扣滿年限
亦准呈明入籍至並未置產締姻者分別飭
退俱不准再種苞蘆致礙農田水利其隻身
棚民本無種山資本藉稱傭工逗遛者均驅
逐回籍此後不准再有增添本地民人私召
異籍民人搭棚開墾者召租之人照子孫盜

賣祀產例承租之人照強占官民山場例分別治罪

一按棚民三十戶設立棚長一名稽查約束一體編查保甲每屆十月另冊報核如有爲匪不法等事責成棚長舉報地方官究辦棚長容隱一併懲治

安插獠民章程

一廣東樂昌縣屬亞公嶺安插湖南遷來獠民六十六丁口鐵釘山安插獠民一百二十丁口設立獠甲三名稽查翁源縣屬陂尾南坑毛屋三山安插獠民二百二十八丁口官子嶺安插獠民五十六丁口設立獠甲四名稽查俱毋庸編入民籍所設獠甲俱毋庸支給工食其居住各山各立界址不許越佔私遷准於界內官荒地耕種免其陞科倘將來生

齒繁多由徭甲稟請查勘添給山場量為區
處如或不行稟報即將徭甲懲警

安插夷民章程

一四川梁黃大定白鹿白鷄勒折虎落多押竹
 昔日壩八寨番夷准其歸入茂州民籍一體
 當差其沙壩舊瓜老二寨仍聽沙壩土司管
 轄

一安南夷人安插江蘇省酌撥入官田畝及隙
 地池塘令其學習耕漁并聽其與齊民往來
 婚嫁其子弟有讀書者歸入民籍應試

一四川渠黃大安白鹽白鹽博州景各之甲乙
交截夷另章詳

番界苗疆禁例

一民人無故擅入苗地及苗人無故擅入民地
均照越渡沿關邊寨律治罪失察各官議處
民人有往苗地貿易者令開明所置貨物并
運往某司某寨貿易行戶姓名自限何日回
籍取具行戶隣佑保結報官給照令塘汛驗
放逾限不出報明文武官弁嚴查究擬
一臺灣地方不准內地民人私行偷渡挈獲偷
渡船隻將船戶及原報澳甲并開張歇寓之

人知情容隱者分別治罪本籍地方官并出口入口失察之文武官均照失察偷渡過臺人犯例按偷渡名數分別議處兵役治罪兵保澳甲在於洋面拿獲偷渡人犯十名以上同船戶客頭並獲者每十名賞銀肆兩十名以上照數遞加若尚未出洋而別汛兵保澳甲盤獲者減半賞給其賞項卽於偷渡船隻變價銀內支銷

一臺灣地方民人不得與番人結親違者離異本人及土官通事均分別治罪地方官知情故縱叅處其從前已娶生子安置本地爲民者不許往來番社違者治罪

一湖南鳳凰乾州永綏古丈坪保靖等廳縣不許漢民擅入苗地及私爲婚姻致滋事端其各處集場仍准苗民按期趕趁飭令汛屯員弁親加彈壓毋許市儈侵欺遇有苗人詞訟令苗弁傳送審辦不許擅差兵役入寨倘有奸民無故擅入苗地及兵役私人索擾立即

懲究失查之該管官分別叅處

一貴州漢苗雜處地方貿易客民祇准居住民村不得假宿苗寨其地方官勾攝公事責令苗弁傳喚毋許差役滋擾違者嚴叅究辦

一貴州省漢苗呈控典賣田土事件該地方官查其賣業年分遠近是否盤剝折責秉公定斷仍查禁漢苗不許交易田產倘有漢民再行引誘侵欺一經告發田地給還苗人追價入官并治以應得之罪查禁不力之地方官

嚴叅究辦

一解送餉鞘囚犯及各衙門因公往來差使俱不准向苗寨簽派如兵役藉端擾累嚴行懲辦

一土司等缺出倘例應充補之弁非苗衆悅服之人而所轄各寨原設寨頭足資管束卽照從前裁汰之案奏明辦理

一附居苗寨客民凡係承領門牌之家概不許招外來之戶如有私相勾引假稱親族來寨

居住許本寨土目鄉約指名呈首將流民遞籍並將勾引之客民連家口驅逐出境田土斷還苗民追價入官如土目鄉約知情容留酌量懲治至貿易手藝傭工客民已經房主鄉約出具保結編入戶冊者准其在寨附居一清查以後凡係黔省漢民無論居黔年分久暫相距苗寨遠近及從前曾否置有苗產此次曾否承領門牌一概不准再有買當苗產之事倘敢違越私置苗產許鄉約稟究地方

官查明立時驅逐田產給還苗民追價入官仍照違

制律治罪其所置苗產係土目管轄私相授受者應將土目一併嚴懲如有客民遷移回籍其所遺產業苗民無力收買方准售與有業漢民其所當苗產許苗民呈明取贖地方官秉公查勘如係客民墾荒成熟酌斷工本倘有苗民誣告及當主勒指情弊照例究治其營衛兵丁違禁射利及隣省漢民越境私置苗產

戶部則例卷四
責成地方官會同隣省該管官及營衛各弁
稽查懲辦

一苗寨內外及肩挑貿易開店客民將錢米貨
物借給苗民止許取利三分如有重利盤剝
準折田土子女者將田土子女給還苗民錢
債追給人官放債之客民仍照盤剝準折例
加等治罪家口驅逐出境土目鄉約不行舉
首查出一併嚴懲如寔係苗民藉端捏控加
等坐誣

一客民所招佃戶本係苗民者仍令照舊承佃
不准另招流民耕種其租穀均照原契數目
不得額外加收隨田陸地如係未耕平土先
儘苗佃開墾所出租穀照苗寨舊規酌分至
荒山菁林仍聽苗民樵牧棲止栽種雜糧業
主不得徵收顆粒如有加租逐佃等事一經
查出立予重懲所招新佃概行遞籍其苗民
承佃客田指不納租准客民控官究追

一官民所招佃戶本係漢人者仍准任種責成

業主稽查其興義普安一帶客民有置當苗民全莊田土者所招佃戶多係漢人遇有退佃先儘原莊苗人承佃如苗人不願佃種仍准漢人佃種

一廣西省苗疆各屬種山客民查係來歷不明形跡可疑者卽行遞籍管束其餘詳載戶口姓名年貌籍貫各舉誠實之人作爲客長令其約束一體編入保甲由地方官隨時稽查如有退佃回籍者所蓋篷房卽折毀倘書

差藉端需索里保私租官地從重究辦

一外來客民租出種地責令該業戶確查實係良民方許佃種倘混行租給設有作奸犯科本犯按律究辦該業戶照容留匪類例治罪

興除地方利弊

道光十二年奉

上諭朕恭閱雍正六年六月十七日

皇曾祖世宗憲皇帝實錄內載

論內閣為政之道以愛民為本愛民者必須厚民之生
雨暘時若百穀順成始可登蒼生於衽席然感召

天和必由於民情之舒暢而民情舒暢必由於吏治之
克修從來言吏治者不外興利除弊二大端夫利之
所在小民自必趨事赴功不待督率而為之為上者

不過相導之而已至於除弊則小民所不能爲之事而專賴爲上之人時刻留心體察破積習以厚民風者也蓋地方之害莫大於貪官蠹役之朘削強紳劣矜之欺凌地棍土豪之暴橫巨盜積賊之劫奪此等之人不能化導懲戒則百姓不獲安生假若爲大吏有司者圖寬大之名沽安靜之譽於貪官蠹役則庇護之於強紳劣矜則寬假之於地棍土豪則姑容之於巨盜積賊則疎縱之雖在己無殘害百姓之實蹟而留此害民之人令百姓暗中受其荼毒無可控訴古人云養稂莠者害禾稼惠姦宄者賊良民如此則民氣何由而舒

天和何由而致乎

天以牧民之任授之君臣而百姓又復敬謹遵奉胼手胝足竭力輸將以事其上爲君臣者當共思之受

天之恩奉

天之命食民之食衣民之衣而乃怠忽優游不能鋤姦禁暴置民間疾苦於度外上負

穹蒼下負百姓誠天地間之大罪人矣豈但天理有所

不容卽清夜捫心當如何愧怍有牧民之責者各宜
撫躬自問時加警省慎之勉之欽此

聖訓煌煌至爲真切凡有牧民之責者尤宜敬謹遵循
實力奉行思所以舒民氣而召

天和著自督撫以至州縣各衙門俱恭錄一道懸諸大
堂庶可觸目警心隨時凜省儻於四者之中偶犯其
一朕言出法隨必從嚴懲辦不稍姑容以期積莠盡
去嘉禾遂生民氣安恬

天心順應共臻郅治朕實有厚望焉將此通諭知之欽

此

月音具卷四

二五

